



We will be conducting system maintenance from 21 Feb, 10pm to 22 Feb, 9am. Patrons will not be able to use NLB's digital services during this period.

## Tiga emas dalam jangkauan

Berita Minggu, 8 August 1999, Page 23

Article also available on Microfilm Reel NL21816

Printer-Friendly Page

# Tiga emas dalam jangkauan

**Silat** Oleh | Mohd Sanj Ali.

**BANDAR SERI BEGAWAN —** Kilauan tiga pingat emas pencak silat nampaknya dalam jangkauan jika hasil undian dijadikan sandaran.

Demikian pandangan jurulatih dan pesilat nasional, Sheik Alauddin Yacoob, selepas upacara timbang dan undian di Kompleks Sukan Nasional Hassanah Bolkiah semalam.

"Melihat dari senarai peserta yang didaftarkan saya cukup yakin tiga daripada enam pingat emas yang menjadi matlamat berada dalam sasaran kami," tegas beliau.

Antara pesilat yang menjadi harapan menghasilkan tiga pingat tersebut, selain dari dirinya sendiri, ialah juara dunia, Abdul Kadir Ibrahim, dalam Kelas E dan Mohd Hidayat Hosni dalam Kelas B.

Menurut Sheik, yang akan bertanding dalam Kelas J bagi pesilat yang berat badannya 90 hingga 95 kilogram, beliau mendapat laluan percuma pada pusingan pertama esok.

Turut turun ke gelanggang hari ini, selain Kadir, ialah Mohd Zulfakar Mohd Raffli dan beberapa pesilat wanita, yang disifatkan memikul cabaran sengit terutama dari para peserta Indonesia, Thailand, Vietnam dan pesilat tuan rumah sendiri.

"Berdasarkan kepada latihan keras yang kami lalui sejak tahun lalu, saya yakin berupaya memberikan cabaran yang membanggakan," kata Sheik. —